


Konej nlëts gik

Uyaku tib dze lë' tib konej nkits,
nlëtscho gik, sdza'l ldo' stse'd, gana sdza'l
ldo' xlab, gana sdza'.

Or lë' konej yu lidz tib, lë' dza' mbel
gu'n xiab gik. Gana or lë' sdza'l ichë
xkomier lë' xlab ichë gu'n sdza', ñala
xkomier sdza'lda ldo' ikediag gu'n xlab
konej nkits; lë'la xie'dzë'na; lo lë'la gilugit
chakzë gik.

Tsëwga lë' xkomier konej nkits uyuslo
nne'dacha lo, ga lë' konej nkits uya'n tib.



Nlas uyak ldo' konej nkits, uyak gik xne': "Be lo chunn-ná gu'n sdza'l ldo'ná, lox nana chutche xne'da loná, chutche xbig-gaxda loná; masda bëtche izadaná, nikla ilabdachená, dzekna lë' ichë degomie'rná ine'kga loná.

Lë' konej nkits ugibzë xkomier, ga lë' chëp:

—Xla'ndná ine'zëkgadá loná, na' bëtche izadaná, nikla ilabdachená, or lë'na idza'l-lsa no'nda gilugit tsuzëna.




Lë' xkomier chëp:

—Dela nli xne'lá xka gu'nnlá, lë'nu gobichekga ine'zë lo'lá.

Ga lë' ichop konej uza'cha ndal kwend, gana tipta ichop uya ulab kwend lo minndo'.

Xka lë' konej nkits uyu'slo uzëña konej ndzi'y, lë' ichop uyak gomier wen.

Lë' konej nkits uye'nna wencha uchikë uyu'nn gu'n sdza'l ldo', lo lë' ndal minndo' udza'lzë ldo' xkwend. Gana uye'nna yu gomier wen, gana yu gomier wenda.




Ñana udza'lzë ldo' minndo'wa, lë' minndo'
unabchu.

Lë' konej ndzi'y uyakga lidz konej nkits
chëp:

—Udza'lzë ldo' minndo' win xkwendlá.
Nana lë' minndo' xla'ncha tsiñaná sbalalu
ilabná lo, sinda nana lu' be lë ine'lá, ¿be
sne'dzchelá xkwendlá ilabná lo minndo'
ada zu'nnkluwláná iza'nu dzekna ichopna
iza'zëwu?

Nle konej nkits chëp:

—Snedznu sinda xla'ndná ñaná tsa
ilabnu lo minndo!. Gana dela xla'nlá
zu'nnkluwná lu', dzekna ndalchu iza'na,
xka lë' ndalcha minndo' win ikediagu.




Lë' konej nkits ukëb chëp:

—Nliwu chondá, stsanná ichë gunu, lo
xla'ndadená isa'ndáná nonná loxna niklá
sdza'l ldo'nu, lë'ná isa'nnu.

Xka lë' ichë xkomier une'kga lo, or lë'
sdza'lzë lë' xgit. Chutche xiuda use'd.

Ñala lë' konej nkits tigolpa yu dze lë'
chuslëdz ichë gu'n ulab gana gu'n uza', lë'
nlasla chak ldo'.




Ñala tib dze lë' konej nkits uyu'nn
gilxkab xne': "Nle mbanná boka or xianá
use'd, or sdzaná gana xlabná, ñala nana
nikla xgitnu izanu degomie'rná wenda yu

ldo'ná, masda lë'ná gobiche gunn-ná gu'n
sdza'l ldo'ná". Ga lë' konej uyuslokga ulab,
gana uza' mbel kwend.

Nikla lë' ichë xkomier usa'n stib, bëtche
ñada ldo', lë' nlela yu ldo' sdza'zë xkwend.

Ñala tib dze lë' ucha' uzob ley ulab tib
xkwend, ñana ñe'ndna udzinn tib konej
ndzi'y. Konej knu dze'ga dze'ga udzinn
ukeddiag idib kwend, konde ulox ulab konej
nkits kwend, lë' konej ndzi'y udë's ña chëp:

—Za'ksa sia kwend ulablá, udza'l
ldo'nú, gan bok ine'dzlu ilabná, ada ba
xdowa dzekna ika'nú.



Lë' konej nkits unabdi'dz:

—¿Be nlinalu udza'l ldo'lu?

Lë' konej ndzi'y chëp:

—Nliwu udza'l ldo'nu, gana xla'ndná
ilabnu.

Ga lë' konej nkits chëp:

—Na' dza'wu, chapchaná ndalu. Or
xla'ntalá snedznu ilablá.

Dzekna lë' konej ndzi'y unab tibu, uyey
uya ulab balal lo minndo' win.

